

Na osnovu člana 31 STATUTA UDRUŽENJA ESTRADNIH IZVOĐAČA  
ZE-DO KANTONA, na sjednici 1. od 09. 05., 2001 d o n o s i :

## **POSLOVNIK**

### *O radu Udruženja estradnih izvođača Zeničko-Dobojskog kantona*

#### *Član 1.*

Poslovnik o radu Predsjedništva Udruženja estradnih izvođača Zeničko-Dobojskog kantona ( u daljem tekstu Poslovnik) utvrđuje se način pripreme i sazivanja sjednica Predsjedništva Udruženja estradnih izvođača Ze-Do kantona ( u daljem tekstu Udruženje estradnih izvođača) kao i rad Predsjednika Udruženja.

#### *Član 2.*

Predsjedništvo Udruženja radi na osnovu ovlaštenja i nadležnosti utvrđenih Statutom UDRUŽENJA ESTRADNIH IZVOĐAČA ZE-DO KANTONA i odluka i zaključaka SKUPŠTINE UDRUŽENJA ESTRADNIH IZVOĐAČA ZE-DO KANTONA.

#### *Član 3.*

Predsjedništvo Udruženja se sastaje po potrebi, a najmanje jednom u mjesec dana.

#### *Član 4.*

Sjednice Predsjedništva Udruženja saziva Predsjednik Udruženja prema vlastitoj procjeni, a mogu se sazivati i na zahtjev polovine članova Predsjedništva Udruženja.

#### *Član 5.*

Sjednice Predsjedništva Udruženja zakazuju se dostavljanjem poziva za sjednicu najmanje 3 (tri) dana prije održavanja sjednice.

U izuzetnim situacijama, a zbog hitnosti pitanja o kojima treba raspravljati sjednica se može zakazati i u roku kraćem od roka iz stava 1.

#### *Član 6.*

Prijedlog dokumenata za sjednicu Predsjedništva Udruženja utvrđuje Predsjednik Udruženja.

Predsjedništvo Udruženja može, za obradu pojedinih pitanja, formirati radne grupe.

#### *Član 7.*

Na sjednice Predsjedništva Udruženja pored članova Predsjedništva Udruženja mogu se pozivati i članovi Skupštine Udruženja i njen Predsjednik.

Na sjednice se može pozivati i resorni Kantonalni ministar ili neko drugi iz organa Kantona.

### *Član 8.*

Prisustvo članova Predsjedništva Udruženja sjednicama je obavezno a u slučaju spriječenosti članovi Predsjedništva Udruženja dužni su svoje neprisustvovanje najaviti prije održavanja sjednice.

Ukoliko se dogodi da svoje prisustvo zakazanoj sjednici opravda i otkáže više od polovine članova Predsjedništva Udruženja, Predsjednik Udruženja će odgoditi sjednicu i zakazati novi termin održavanja sjednice.

### *Član 9.*

Diskusija o pojedinim pitanjima vodi se prema dnevnom redu, a učesnici u diskusiji dobijaju riječ po redosljedu prijavljivanja.

### *Član 10.*

Svaki učesnik u diskusiji po jednoj tački dnevnog reda, u principu, može da diskutuje samo jednom.

Diskusija traje najviše 5 (pet) min., a eventualna replika 3 (tri) minuta.

### *Član 11.*

Nakon završene diskusije, Predsjednik Udruženja predlaže odluke, zaključke ili stavove po određenom pitanju.

### *Član 12.*

Predsjedništvo Udruženja može punovažno raditi ukoliko sjednici prisustvuje \_\_\_\_\_ od ukupnog broja članova Predsjedništva Udruženja. Odluke Predsjedništva Udruženja su punovažne ukoliko se za njih izjasni većina prisutnih članova Predsjedništva Udruženja.

### *Član 13.*

Odluke, zaključci i stavovi Predsjedništva Udruženja obavezne su za sve članove.

### *Član 14.*

Na sjednici Predsjedništva Udruženja vodi se zapisnik. Zapisnik sadrži datum i vrijeme održavanja sjednice, dnevni red, kratak sadržaj diskusija o svakom pitanju, kao i precizirane odluke i zaključke koje je Predsjedništvo Udruženja usvojilo po svakoj tački dnevnog reda.

Usvojeni zapisnik i materijali za sjednice predstavljaju dokumentaciju Predsjedništva Udruženja.

### *Član 15.*

Nakon usvajanja zapisnika sa predhodne sjednice, Predsjedništvo Udruženja prije prelaska na ostale tačke dnevnog reda, analizira šta je realizovano od odluka i zaključaka sa predhodne sjednice i o tome zauzima stavove.

### *Član 16.*

Sjednice Predsjedništva Udruženja mogu pratiti sredstva informisanja, ili se o pojedinim tačkama dnevnog reda može izdati saopštenje za javnost, te organizirati Konferenciju za štampu.

Saopštenje za javnost daje Predsjednik Udruženja, a u njegovoj odsutnosti član Predsjedništva koga on ovlasti.

Predsjedništvo Udruženja može odlučiti da sjednica bude zatvorena za javnost.

*Član 17.*

Svi članovi Predsjedništva Udruženja i učesnici sjednice dužni su da se pridržavaju Poslovnika o radu.

Ukoliko se bilo ko od članova Predsjedništva Udruženja i učesnika sjednice ne pridržava Poslovnika, Predsjednik Predsjedništva Udruženja može mu oduzeti riječ ili u težim slučajevima ometanja rada sjednice isključiti ga sa sjednice.

*Član 18.*

O primjeni Poslovnika staraće se Predsjednik Udruženja ili član Predsjedništva Udruženja koji predsjedava sjednicom u odsutnosti Predsjednika Udruženja.

*Član 19.*

Poslovnik stupa na snagu danom usvajanja i primjenjivat će se odmah nakon usvajanja.

Broj : 0011-05-2001  
Zenica, 09.05. 2001 god.

Predsjednik Udruženja  
estradnih izvođača Ze-Do kantona

---

Rifet Čigura